

影印
文淵閣

四庫全書

影印

文淵閣四庫全書

第一三四七冊

北京出版集團公司
北京出版社

本冊目次

樂府詩集(一)

宋 郭茂倩輯……………一

欽定四庫全書

集部
樂府詩集卷一至四

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

集部八

樂府詩集

總集類

提要

臣等謹案樂府詩集一百卷宋郭茂倩輯建

炎以來繫年要錄載茂倩為侍讀學士郭褒

之孫郭源中之子其仕履未詳本鄆州須城

人此本題曰太原蓋署郡望也是集總括歷

代樂府上起陶唐下迄五代凡郊廟歌辭十

欽定四庫全書

樂府詩集
提要

二卷燕射歌辭三卷鼓吹曲辭五卷橫吹曲

辭五卷相和歌辭十八卷清商曲辭八卷舞

曲歌辭五卷琴曲歌辭四卷雜曲歌辭十八

卷近代曲辭四卷雜歌謠辭七卷新樂府辭

十一卷其解題徵引浩博援據精審宋以來

考樂府者無能出其範圍每題以古辭居前

擬作居後使同一曲調而諸格畢備不相沿

襲可以藥剽竊形似之失其古辭多前列本

辭後列入樂所改得以考知孰為側孰為趨孰為艷孰為增字減字其聲辭合寫不可訓詁者亦皆題下註明尤可以藥摹擬聲牙之弊誠樂府中第一善本明梅鼎祚古樂苑曰郭氏意務博摯間有詩題恩列樂府如採桑則劉邈萬山見採桑人從軍行則王粲從軍詩梁元帝同王僧辨從軍江淹擬李都尉從軍張正見星名從軍詩庾信同盧記室從軍

之類有取詩首一二語竄入前題如自君之出矣則鮑令暉題詩後寄行人長安少年行則何遜學古詩長安美少年之類有辭類前題原未名為歌曲如苦熱行任昉何遜但云苦熱闕雞篇梁簡文但云闕雞之類有賦詩為題而其本辭實非樂府若張正見晨雞高樹鳴本阮籍詠懷詩晨雞鳴高樹命駕起旋歸張率雀乳空井中本傅元雜詩鵲巢丘城

側雀乳空井中之類亦有全不相蒙如善哉行則江淹擬魏文遊宴秋風則吳邁遠古意贈今人之類有一題數篇半為牽合如楊方合歡詩則後三首為雜詩採蓮曲則梁簡文後一首本蓮花賦中歌之類並當刪正云云其說亦頗中理然卷帙既繁抵牾難保司馬光通鑑猶病之何況茂倩斯集要之大厦之材終不以寸朽棄也乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

樂府詩集卷一

宋 郭茂倩 輯

郊廟歌辭

樂記曰王者功成作樂治定制禮是以五帝殊時不相沿樂三王異世不相襲禮明其有損益也然自黃帝已後至於三代千有餘年而其禮樂之備可以考而知者唯

欽定四庫全書

樂府詩集

卷一

周而已周頌昊天有成命郊祀天地之樂歌也清廟祀太廟之樂歌也我將祀明堂之樂歌也載芟良耜藉田社稷之樂歌也然則祭樂之有歌其來尚矣兩漢已後世有制作其所以用於郊廟朝廷以接人神之歡者其金石之響歌舞之容亦各因其功業治亂之所起而本其風俗之所由武帝時詔司馬相如等造郊祀歌詩十九章

五郊互奏之又作安世歌詩十七章薦之

宗廟至明帝乃分樂為四品一曰大予樂

典郊廟上陵之樂郊樂者易所謂先王以

作樂崇德殷薦上帝宗廟樂者虞書所謂

琴瑟以詠祖考來格詩云肅雍和鳴先祖

是聽也二曰雅頌樂典六宗社稷之樂社

稷樂者詩所謂琴瑟擊鼓以御田祖禮記

曰樂施於金石越於音聲用乎宗廟社稷

欽定四庫全書

樂府詩集

卷一

事乎山川鬼神是也永平三年東平王蒼造光武廟登歌一章稱述功德而郊祀同用漢歌魏歌辭不見疑亦用漢辭也武帝始命杜夔創定雅樂時有鄧靜尹商善訓雅歌歌詩尹胡能習宗廟郊祀之曲舞師馮肅服養晚知先代諸舞夔總領之魏復先代古樂自夔始也晉武受命百度草創泰始二年詔郊廟明堂禮樂權用魏儀遵

周室肇稱殷禮之義但使傳玄改其樂章而已永嘉之亂舊典不存賀循為太常始有登歌之樂明帝太寧末又詔阮孚增益之至孝武太元之世郊祀遂不設樂宋文帝元嘉中南郊始設登歌廟舞猶闕乃詔顏延之造天地郊登歌三篇大抵依倣晋曲是則宋初又仍晋也南齊梁陳初皆沿襲後更創制以為一代之典元魏宇文繼

有朔漢宣武已後雅好胡曲郊廟之樂徒有其名隋文平陳始獲江左舊樂乃調五音為五夏二舞登歌房中等十四調賓祭用之唐高祖受禪未遑改造樂府尚用前世舊文武德九年乃命祖孝孫修定雅樂而梁陳盡吳楚之音周齊雜胡戎之伎於是斟酌南北考以古音作為唐樂貞觀二年奏之按郊祀明堂自漢以來有夕牲迎

神登歌等曲宋齊以後又加裸地迎牲飲福酒唐則夕牲裸地不用樂公卿攝事又去飲福之樂安史作亂咸鎬為墟五代相承享國不永制作之事蓋所未暇朝廷宗廟典章文物但按故常以為程式云

漢郊祀歌

練時日

練時日侯有望瑤骨蕭近四方九重開靈之府垂惠恩

鴻祐休靈之車結玄雲駕飛龍羽旄紛靈之下若風馬左蒼龍右白虎靈之來神哉沛先以雨般裔裔靈之至慶陰陰相放悲震澹心靈已坐五音飭虞至旦承靈億牲蘭栗染盛香尊桂酒賓八鄉靈安留吟青黃徧觀此眺瑤堂衆嬋竝綽奇麗顏如荼兆逐靡被華文厠霧縠曳阿錫佩珠玉俠嘉夜荳蘭芳澹容與獻嘉觴

帝臨

帝臨中壇四方承宇繩繩意變備得其所清和六合制

數以五海內安寧興文偃武后土富媪昭明三光穆穆
優游嘉服上黃

青陽

青陽開動根亥以遂膏潤并愛政行畢逮寔發榮壠
處頃聽枯槁復產迺成厥命衆庶熙熙施及大胎羣生
嗟嗟惟春之祺

朱明

朱明盛長萬物與萬物桐生茂豫靡有所訕敷華就實既
欽定四庫全書
樂府詩集
卷一
五
阜既昌登成甫田百鬼迪嘗廣大建祀肅雍不忘神若
宥之傳世無疆

西顥

西顥沆碭秋氣肅殺含秀垂穎續舊不廢姦偽不萌妖
孽伏息隅辟越遠四路咸服既畏茲威惟慕純德附而
不驕正心翊翊

玄冥

玄冥陵陰蟄蟲蓋藏中水零落抵冬降霜易亂除邪革

正異俗兆民反本抱素懷樸條理信義望禮五嶽藉斂
之時掩收嘉穀

惟泰元

漢書禮樂志曰建始元年丞相匡衡奏罷
鸞路龍鱗更定詩曰涓選休成

惟泰元尊媪神蕃釐經緯天地作成四時精建日月星
辰度理陰陽五行周而復始雲風雷電降甘露雨百姓
蕃滋咸循厥緒繼統恭勤順皇之德鸞路龍鱗罔不胥
飾嘉蓮列陳庶幾宴享滅除凶災烈騰八荒鐘鼓等笙
雲舞翔翔招搖靈旗九夷賓將

天地

漢書禮樂志曰丞相匡衡奏罷鸞路龍鱗周張
更定詩曰肅若舊典

天地並况惟予有慕爰熙紫壇思求厥路恭承禋祀緼
豫為紛黼黻周張承神至尊千童羅舞成八溢合好効
歡虞泰一九歌畢奏斐然殊鳴琴竽瑟會軒朱璆磬金

鼓靈其有喜百官濟濟各敬其事盛牲實俎進聞膏神
奄留臨須搖長麗前挾光耀明寒暑不忒况皇章展詩
應律銅玉鳴函宮吐角激徵清蕤梁揚羽申以商造茲
新音永久長聲氣遠條鳳鳥鵠神夕奄虞蓋孔享

日出入

日出入安窮時世不與人同故春非我春夏非我夏秋
非我秋冬非我冬泊如四海之池徧觀是耶謂何吾知
所樂獨樂六龍六龍之調使我心若訾黃其何不徠下

欽定四庫全書

樂府詩集
卷一

七

天馬

漢書武帝紀曰元鼎四年秋馬生渥洼水
中作天馬之歌太初四年春貳師將軍李
廣利斬大宛王首獲汗血馬來作西極天
馬之歌禮樂志曰天馬歌元狩三年馬生
渥洼水中作李斐曰南陽新野有暴利長
武帝時遭刑屯田燉煌界數於渥洼水旁
見羣野馬中有奇者與凡馬異來飲此水

欽定四庫全書

樂府詩集
卷一

八

利長先作土人持勒鞞於水旁後馬玩習
久之代土人持勒鞞收得其馬獻之欲神
異之云從水中出也西域傳曰大宛國多
善馬馬汗血言其先天馬子也應劭云大
宛有天馬種踠石汗血踠石者謂踠石
而有跡言其踠堅利汗血者謂汗從前肩
膊出如血號一日千里也張騫傳曰漢武
帝初發書易曰神馬當從西北來得烏孫
馬好名曰天馬及得宛馬汗血益壯更名
烏孫馬曰西極馬宛馬曰天馬云按史記
樂書稱武帝伐大宛得千里馬名蒲梢作
歌曰天馬來兮從西極經萬里兮歸有德
承靈威兮降外國涉流沙兮四夷服與此
不同

太一況天馬下霑赤汗沫流赭志倣儻精權奇爾浮雲
曉上馳體容與迺萬里今安匹龍為友

天馬徠從西極涉流沙九夷服天馬徠出泉水虎脊兩
化若鬼天馬徠歷無草徑千里循東道天馬徠執徐時
將搖舉誰與期天馬徠開遠門竦予身逝昆侖天馬徠
龍之媒游閭闔觀玉臺

天門

天門開詆蕩蕩穆並騁以臨饗光夜燭德信著靈寢平
而鴻長生豫太朱涂廣夷石為堂飾玉梢以舞歌體招
搖若永望星留俞塞隕光照紫幄珠煩黃幡比陂回集
欽定四庫全書
卷一
九
貳雙飛常羊月穆穆以金波日華耀以宣明假清風軌
忽激長至重觴神衷回若留放殪冀親以肆章函蒙祉
福常若期寂寥上天知厥時泛泛溟溟從高旂殷勤此
路臚所求佻正嘉吉弘以昌休嘉殽隱溢四方專精厲
意逝九閼紛紜六幕浮大海

景星

一曰寶鼎歌漢書武帝紀曰元鼎四年夏
六月得寶鼎后土祠旁作寶鼎之歌禮樂

志曰景星元鼎五年得鼎汾陰作如淳曰
景星者德星也見無常常出有道之國

景星顯見信星彪列象載昭庭日親以察參侔開闔爰
推本紀汾睢出鼎皇祐元始五音六律依韋饗昭雜變
並會雅聲遠姚空桑琴瑟結信成四興逸代八風生殷
殷鐘石羽籥鳴河龍供鯉醇犧牲百末旨酒布蘭生泰
尊柘漿析朝醒微感心攸通脩名周流常羊思所并穰
穰復正直往寧馮蠅切和疏寫平上天布施后土成穰
欽定四庫全書
卷一
十
穰豐年四時榮

齊房

一曰芝房歌漢書武帝紀曰元封二年夏
六月甘泉宮內中產芝九莖連葉作芝房
之歌應劭云芝芝草也其葉相連瑞應圖
云王者敬事耆老不失舊故則芝草生內
中謂後庭之室也故詔書曰上帝溥臨不
異下房賜朕弘休是也禮樂志曰齊房元

封二年芝生甘泉齊房作

齊房產草九莖連葉宮童效異披圖紫牒玄氣之精回
復此都蔓蔓日茂芝成靈華

后皇

后皇嘉壇立玄黃服物發冀州兆蒙祉福沈沈四塞微
狄合處經營萬億咸遂厥宇

華煜煜

華煜煜固靈根神之旂過天門車千乘敦昆侖神之久

欽定四庫全書

樂府詩集

十一

排玉房周流雜拔蘭堂神之行旌容容騎杳杳般從從
神之徠泛翊翊甘露降慶雲集神之愉臨壇宇九疑賓
夔龍舞神安坐鵠吉時共翊翊合所思神嘉虞申貳觴
福滂洋邁延長沛施祐汾之阿揚金光橫泰河莽若雲
增陽波徧臚驪騰天歌

五神

五神相包四鄰土地廣揚浮雲托嘉壇椒蘭芳璧玉精
垂華光益億年美始興交於神若有承廣宣延咸畢觴

靈輿位偃蹇驤奔汨臚析奚遺淫淥澤淫然歸

朝隴首

一曰白麟歌漢書武帝紀曰元狩元年冬
十月行幸雍獲白麟作白麟之歌顏師古
云麟麋身牛尾馬足黃色圓蹄一角角端
有肉

朝隴首覽西垠雷電祭獲白麟爰五止顯黃德圖勾虐
熏鬻殛闕流離抑不詳賓百僚山河饗掩回棘鬣長馳

欽定四庫全書

樂府詩集

十二

騰雨師灑路陂流星隕感惟風蘭歸雲撫懷心

象載瑜

一曰赤雁歌漢書禮樂志曰太始三年行
幸東海獲赤雁作

象載瑜白集西食甘露飲榮泉赤雁集六紛員殊翁雜
五采文神所見施祉福登遂萊結無極

赤蛟

赤蛟綏黃華蓋露夜零晝暝溘百君禮六龍位勺椒漿

靈已醉靈既享錫吉祥芒芒極降嘉觴靈殷殷爛揚光
延壽命永未央杳冥冥塞六合澤汪濊輯萬國靈禋祀
象輿轡栗然逝旗遠蛇禮樂成靈將歸託玄德長無衰

漢郊祀歌

靈芝歌

古辭

因靈寢兮產靈芝象三德兮瑞應圖延壽命兮光此都
配上帝兮象太微參日月兮揚光輝

天馬歌

李白

欽定四庫全書

樂府詩集

卷一

天馬來出月支窟背為虎文龍翼骨嘶青雲振綠髮蘭
筋權奇走滅沒騰崑崙歷西極四足無一蹶雞鳴刷燕
哺林越神行電邁躡恍惚天馬呼飛龍趨目明長庚臆
雙鳬尾如煙星首渴烏口噴紅光汗溝朱曾陪時龍躡
天衢羈金絡月照皇都逸氣稜稜凌九區白壁如山誰
敢沾迴頭笑紫鷺但覺爾輩愚天馬奔戀君軒駮躍驚
矯浮雲翻萬里入一作躑躅還瞻閭闔門不逢寒風子
誰採逸景孫白雲在青天丘陵遠崔嵬鹽車上峻坂倒

行逆施畏日晚伯樂翦拂中道遺少盡其力老棄之願
逢田子方惻然為我思雖有玉山不能療苦飢嚴霜
五月凋挂枝伏檻銜冤摧兩眉請君贖獻穆天子猶堪
弄影舞瑤池

天馬辭

張仲素

天馬初從渥水來歌會唱得濯龍媒不知玉塞沙中路
肯藉殘花幾處開

躑躅宛駒齒未齊掄金噴玉向風嘶來時行盡金河道

欽定四庫全書

樂府詩集

卷一

獵獵輕風在碧蹄

晉郊祀歌

傅玄

晉書樂志曰武帝泰始二年詔傅玄造郊

祀明堂歌辭其祠天地五郊有夕牲歌迎

送神歌及饗神歌

夕牲歌

天命有晉穆穆明明我其夙夜祇事上靈常于時假迄
用其成於薦玄牡進夕其牲崇德作樂神祇是聽

迎送神歌

宣文蒸哉日靖四方永言保之夙夜匪康光天之命上帝是皇嘉樂殷薦靈祚景祥神祇降假享福無疆

饗神歌

天祚有晉其命惟新受終于魏奄有兆民燕及皇天懷柔百神不顯遺烈之德之純享其玄牡式用肇禋神祇來格福祿是臻

時邁其猶昊天予之祐享有晉兆民戴之畏天之威敬

欽定四庫全書

樂府詩集

十五

授人時丕顯丕承於猶繹思皇極斯建庶績咸熙庶幾夙夜惟晉之祺

宣文惟后克配彼天撫寧四海保有康年於乎緝熙肆用靖民爰立典制爰修禮紀作民之極莫匪資始克昌厥後永言保之

晉天地郊明堂歌

傅玄

宋書樂志曰晉前所作天地郊明堂歌有夕牲歌降神歌天郊饗神歌地郊饗神歌

明堂饗神歌其夕牲降神天地郊明堂同用

夕牲歌

皇矣有晉時邁其德受終于天光濟萬國萬國既光神定厥祥虔于郊祀祇事上皇祇事上皇百福是臻巍巍祖考克配彼天嘉牲匪歆德馨惟饗受天之祐神化四方

降神歌

欽定四庫全書

樂府詩集

十六

於赫大晉應天景祥二帝邁德宣茲重光我皇受命奄有萬方郊祀配享禮樂孔章神祇嘉饗祖考是皇克昌厥後保祚無疆

天郊饗神歌

整泰壇祀皇神精氣感百靈賓蒞朱火燎芳薪紫煙遊冠青雲神之體靡象形曠無方幽以清神之來光景照聽無聞視無兆神之至舉歆歆靈爽協動予心神之坐同歡娛澤雲翔化風舒嘉樂奏文中聲八音諧神是聽

咸潔齊並芬芳烹牲享玉觴神悅饗歆裡祀祐大晉
降繁祉祚京邑行四海保天年窮地紀

地郊饗神歌

整泰折竣皇祇衆神感羣靈儀陰祀設吉禮施夜將極
時未移祇之體無形象潛泰幽洞忽荒祇之出夢若有
靈無遠天下母祇之來遺光景昭若存終冥冥祇之至
舉欣欣舞象德歌成文祇之坐同歡豫澤雨施化雲布
樂八變聲教敷物咸亨祇是娛齊既潔侍者肅玉觴進
欽定四庫全書 樂府詩集 卷一 十七

明堂饗神歌

經始明堂享祀匪懈於皇烈考光配上帝赫赫上帝既
高既崇聖考是配明德顯融率土敬職萬方來祭常于
時假保祚永世

宋南郊登歌

顏延之

宋書樂志曰文帝元嘉二十二年詔顏延

之造天地郊夕牲迎送神饗神雅樂登歌
二篇

夕牲歌

寅威寶命嚴恭帝祖表海炳岱系唐胄楚靈鑒濟文民
屬睿武奄受敷錫宅中拓宇亘地稱皇罄天作主月寔
來賓日際奉土開元首正禮交樂舉六典聯事九官列
序有牲在滌有絜在俎以薦王衷以荅神祐

迎送神歌

欽定四庫全書 樂府詩集 卷一 十八
維聖饗帝維孝養親皇乎備矣有事上春禮行宗祀敬
達郊裡金枝中樹廣樂四陳陟配在京降德在民奔精
照夜高燎煬晨陰明浮爍沈滎深淪告成大報受釐元
神月御按節星驅扶輪遙興遠駕曜曜振振

饗神歌

營泰時定天衷思心睿謀筮從建表蒞設郊宮田燭置
燿火通厯元旬律首吉飾紫壇坎列室中星兆六宗秩
乾宇晏地區謐大孝昭祭禮供牲日展盛自躬具陳器

備禮容形舞綴被歌鐘望帝閣聳神蹕靈之來辰光溢
潔潔酌娛太一明輝夜華哲日裸既始獻又終烟薌電
報清宮饗宋德祚王功休命永福履充

宋郭茂倩輯

郊廟歌辭

宋明堂歌

謝莊

南齊書樂志曰明堂祠五帝漢郊祀歌皆
四言宋孝武使謝莊造辭莊依五行數木
數用三火數用七土數用五金數用九水

數用六按洪範五行一曰水二曰火三曰
木四曰金五曰土月令木數八火數七土
數五金數九水數六蔡邕云東方有木三
土五故數八南方有火二土五故數七西
方有金四土五故數九北方有水一土五
故數六又納音數一言得土三言得火五
言得水七言得金九言得木若依洪範木
數用三則應水一火二金四也若依月令

金九水六則應木八火七也當以洪範一

二之數言不成文故有取捨而使兩義並

違未詳以數立文為何依據也周頌我將

祀文王言皆四其一句五一一句七莊歌太

祖亦無定句宋書樂志曰迎送神歌依漢

郊祀三言四句一轉韻

迎神歌

地紐謚乾樞回華蓋動紫微開旌蔽日車若雲駕六氣

欽定四庫全書

樂府詩集
卷二

二

乘綈緼暹帝京輝天邑聖祖降五靈集構瑤祀聳珠簾

漢拂幌月棲檐舞綴暢鍾石融駐飛景鬱行風懋染盛

潔牲牷百禮肅羣司虔皇德遠大孝昌貫九幽洞三光

神之安解玉鑾景福至萬寓歡

登歌

雍臺辨朔澤宮練辰潔火夕照明水朝陳六瑚貢室八

羽華庭昭事先聖懷濡上靈肆夏戒敬升歌發德永固

鴻基以綏萬國

歌太祖文皇帝

維天為大維聖祖是則辰居萬寓綴旒下國內靈八輔

外光四瀛萬宮仰蓋日館希旌複殿畱景重檐結風刮

楹接緯達嚮承虹設業設虞在王庭肇禋祀克配乎靈

我將我享維孟之春以孝以敬以立我烝民

歌青帝

參映夕駟照晨靈乘震司青春雁將向桐始蕤柔風舞

暄光遘萌動達萬品新潤無際澤無垠

欽定四庫全書

樂府詩集
卷二

三

歌赤帝

龍精初見大火中朱光北至主景同帝在在離寔司衡

水雨方降木槿榮庶物盛長成殷阜恩覃四冥被九有

歌黃帝

履建宅中寓司繩御四方裁化遍寒燠布政周炎涼景

麗條可結霜明水可折凱風扇朱辰白雲流素節分至

乘結晷啟閉集恒度帝運緝萬有皇靈澄國步

歌白帝

百川如鏡天地爽且明雲冲氣舉德盛在素精木葉初
下洞庭始揚波夜光徹地翻霜照懸河魚類收成歲功
行欲寧浹地奉渥罄宇承秋靈

歌黑帝

歲月既宴方馳靈乘坎德司規玄雲合晦鳥路白雲繁
亘天涯雷在地時未光飭國典閉關梁四節遍萬物殿
福九域祚八鄉晨晷促夕漏延太陰極微陽宣鵲將巢
冰已解氣濡水風動泉

欽定四庫全書

樂府詩集
卷二

送神歌

蘊禮容餘樂度靈方留景欲暮開九重肅五達鳳參差
龍已沫雲既動河既梁萬里照四空香神之車歸清都
璇庭寂玉殿虛睿化凝孝風熾顧靈心結皇思

齊南郊樂歌

南齊書樂志曰武帝建元二年有司奏郊

廟雅樂歌辭太廟登歌用褚淵餘悉用謝

超宗所撰多刪頗延之謝莊辭以為新曲

備改樂名永明二年又詔王儉造太廟二

室及郊配辭其南郊樂羣臣出入奏肅咸

之樂牲出入奏引牲之樂薦豆呈毛血奏

嘉薦之樂凡夕牲歌並重奏迎神奏昭夏

之樂皇帝入壇東門奏永至之樂升壇奏

登歌初獻奏文德宣烈之樂次奏武德宣

烈之樂太祖高皇帝配饗奏高德宣烈之

樂飲福酒奏嘉胙之樂送神奏昭夏之樂

欽定四庫全書

樂府詩集
卷二

就燎位奏昭遠之樂還便殿奏休成之樂

重奏

肅咸樂

謝超宗

黃承寶命嚴恭帝緒奄受敷錫升中拓宇亘地稱皇罄

天作主月域來賓日際奉土開元首正禮交樂舉六典

聯事九官列序

引牲樂

皇乎敬矣恭事上靈昭教國祀肅肅明明有牲在滌有